

Օրհնեմք նաև զանգամա Ազգային Պատգամաւորութեան և զամենայն գործակիցս Ձեր, մաղթելով ի Տեառնէ պարգևել Ձեզ և համայն վաստակաւորաց՝ քաջաւորջութիւն և կեանս երջանկաւետս ընդ յամայր ամս:

Լիայոյս եմք, զի յետ այսորիկ ևս ի դէպոս անհրաժեշտութեան, Դժբ՝ որպէս ներկայացուցիչ Մեր, զնոյն ազգօգուտ և զմարդասէր գործունէութիւն ունիք շարունակել վասն կատարեալ յաջողութեան և իրագործման բարենորոգութեանց հայաբնակ զաւառաց Տաճկաստանի, յանդորրութիւն և յերջանկութիւն բազմատանջ հոգևոր զաւակաց Մերոց:

Ողջ յերուք, պահպանեալ ի խնամսսս Հոգւոյն, զօրացեալ ի Տէր և յաւէտ օրհնեալ ի Մէնջ. Ամէն:

ԳԷՈՐԳ. Ե. ԿԱԹՈՒԴՈՍ

ԱՄԵՆԱՅՆ ՀԱՅՈՑ

Ի 20. փետրուարի 1914 ամի

Ըստ Տոմարիս ՌՅԿԳ

ի Հայրապետութեան մելում Գ. ամի

յԱրարատեան Մայր Աթոռ ս. Էջմիածնի.

ի Վարդապետ

Թ. 258

ԳԷՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍԱՆԵԼԻ Կամօն Աստուծոյ եպիսկոպոսապետ և Կաթողիկոս Ամենայն Հայոց, Ծայրագոյն Պատրիարք Համագահան Նախամեծար Աթոռոյ Արարատեան Առաքելական Մայր Եկեղեցոյ սրբոյ Կաթողիկէ Էջմիածնի

Ամենապատիւ Պատրիարքի Հայոց Տանկասանի, Տաւէն Արեւիսկապոսի Տէր Եղիայեան, հարազատ ողջոյ Մայր Աթոռոյս ողջոյն և օրհնութիւն Հայրապետական:

Ընկալաք զգրութիւն Ամենապատուութեան Ձերոյ յ19 դեկտեմբերի անցելոյ 1913 ամի թ. 1043, ընդ նորոյ կանոնադրի Ս. Յակովբեանց Վանաց Հայոց Երուսաղէմի, որով խնդրէք Հայրապետական յատուկ կոնդակաւ տալ Ձեզ իրաւունս յայտարարելոյ յանուն Մեր՝ միաբանիցն

Ս. Յակովբեանց Վանաք, զի եթէ ոմանք ի նոցանէ այլ ևս հակառակ կայցեն անօրէնութեանց Ազգային Ընդհանուր Ժողովոյ, չկատարելով զնոր կանոնագիրն, այնպիսիքն անկցին ընդ պատասխանատուութեամբ և պատժով:

Զմտանելով ի քննութիւն ըստ էութեան հիմնական տրամադրութեանց և յօդուածոց գործող կանոնադրութեան 1888 ամի և նորոյ կանոնագրի 1913 ամի, այլ առաջի աչաց ունելով զանցեալ և զներկայ իրադարձութիւնս և զամենայն հանգամանս Ս. Յակոբեանց վանուցն, զերկպառակութիւնս և զխռովայոյզ վիճակ միաբանութեան Հայոց Երուսաղէմի, նաև առանձնապէս ի նկատ առեալ մեր, զի Պատրիարքն Հայոց Երուսաղէմի է զհակալ ջլեանս Առաքելական Աթոռոյն և Պետ միաբանութեան, Մեք ոչ համարիմք նպատակայարմար և օգտակար վասն խաղաղացման միաբանութեան և բարեկարգութեան վարչական-եկեմտական գործոց վանուցն, նախքան զընտրութիւն Պատրիարքի զհիմնական փոփոխութիւնս մուծանել ի գործող կանոնադրութիւն վանուցն, մանաւանդ զի Պատրիարքն Հայոց Երուսաղէմի պարտ է ընթանալ ըստ ամենայնի համաձայն կանոնադրութեան և հսկել ի վերայ ուղիղ գործադրութեան նորա (յօդ. 17-րդ Ազգային սահմանադրութեան). ուստի և Մեք բարւոք վարկանեմք նախ՝ տալ կատարել զընտրութիւն Պատրիարքի, զորմէ առաջագրեալ եմք Կոնդակաւ Մերով ի 5-ն դեկտեմբերի 1912 ամի ընդ համարաւ 1617, յանուն նախորդ Պատրիարքին Տ. Յովնաննէս Սրբազան Արքեպիսկոպոսի, ապա թէ իրաւախոհ լեալ ընդ Պատրիարքին Երուսաղէմի, ըստ մտաց 85-րդ յօդուածոյ կանոնաց Միաբանական Ուխտին Սրբոց Յակովբեանց, առնել զանհրաժեշտ բարեփոխութիւնս ի կանոնադրութեան վասն բարեկարգելոյ զվարչական և զտնտեսական-կալուածական գործս վանօրէից և միաբանութեան Հայոց Երուսաղէմի:

Իսկ վասն ղեկավարելոյ զպատրիարքական ընտրութիւն և առժամապէս կանոնաւորելոյ զգործս միաբանութեան ցհաստատութիւն նորոյ Պատրիարքի և վասն քննելոյ զեկեմտական հաշիւս, զվիճակ կալուածոց և ստացուածոց

վանօրէից Հայոց Երուսաղէմի, որպէս և զապօրինի վարմունս և զանկանոն դործս ոմանց միաբանից, անհրաժեշտ վարկանեմք, ըստ հայեցողութեան և ընտրութեան Ամենապատուութեանդ և Ազգային Երեսփոխանական Ժողովոյ, առանց յապաղման առաքել լիազօր Յանձնախումբ մի, կազմեալ ի ձեռնհաս և ի հեղինակաւոր անձանց, յորոց մինն լիցի արքեպիսկոպոս կամ եպիսկոպոս:

Զայս ամենայն առաջարկելով Ամենապատուութեանդ վասն խաղաղացունելոյ և կանոնաւորելոյ զմիաբանական կեանս և զգործս Ս. Յակովբեանց վանուցն Երուսաղէմի, որ է զլիաւոր նպատակ Մեր և Զեր ամենեցուն, յամենայն դէպս թողումք զվախճանական ընտրութիւն միջոցաց, խոհականութեան և հեռատես տնօրէնութեան Ամենապատուութեանդ և Ազգային Երեսփոխանական Ժողովոյ:

Օրհնեմք զՁեզ և զամենայն անգամս Ազգային Երեսփոխանական Ժողովոյ, մաղթելով ի Տեառնէ պարգեւել Ձեզ կար և զօրութիւն յօգուտ և ի շինութիւն ազգային հաստատութեանց և գործոց Մերոց:

Ողջ լերուք, զօրացեալ շնորհօք Ս. Հոգւոյն և օրհնեալ ի Մէնջ. Ամէն:

ԳԵՈՐԳ Ե. ԿԱԹՈՒՂԻԿՈՍ

ԱՄԵՆԱՅՆ ՀԱՅՈՑ

Ի 14 փետրուարի 1914 ամի

թ. 242

ի ս. Էջմիածին:

ՆՈՐԻՆ ՎԵՀԱՓԱՌՈՒԹԵԱՆ ՏՆՕՐԷՆՈՒԹԻՒՆՆԵՐԻՑ.

Կանչակ օրհնութեան Ուրմիայի Հայոց փոխանօրդ Տ. Խորէն վարդապետ Լազարեանի և Պ. Պ. Յ. Շահգեալդեանի, Խ. Աւագեանի, Դ. Մանասերեանի, Ա. Միրզաշանեանի, Յ. Աւթանդիլեանի, Հ. Հասրաթեանի, Մ. Յակովբեանի և Աւթանդիլեանի անունով, որոնք տեղական հայ Ժողովրդից հանգանակել են տեղական դպրոցի շինութեան օգտին 8000 ռուբլի: 29 յունուարի, թ. 179: